

Na osnovu člana 16. stav 2. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona”, broj: 7/10) i člana 33. stav (2) Zakona o izvršavanju Budžeta Zeničko-dobojskog kantona za 2019. godinu („Službene novine Zeničko-dobojskog kantona“, broj: 3/19), a u skladu sa Zaključkom o usvajanju Programa utroška sredstava planiranih u Budžetu Zeničko-dobojskog kantona za 2019. godinu na poziciji „Kapitalni transferi drugim nivoima vlasti-za zdravstvo”, broj: 02-14-7749/19 od 07.05.2019. godine i 02-14-16901/19 od 14.11.2019. godine, na prijedlog Ministarstva zdravstva, Vlada Zeničko-dobojskog kantona, na 32. sjednici, održanoj dana 29.11.2019. godine, d o n o s i

ODLUKU

o odobravanju sredstava za pokriće troškova nabavke operacione lampe sa hladnim izvorom svjetlosti u JU Kantonalna bolnica Zenica

Član 1.

(Predmet)

Odobravaju se sredstva JU Kantonalna bolnica Zenica za pokriće troškova nabavke operacione lampe sa hladnim izvorom svjetlosti za potrebe Odjela ortopedije i traumatologije po osnovu Ugovora broj: 20/1-9049 od 20.09.2019. godine sa dobavljačem „Sono Medical“ d.o.o. Sarajevo u iznosu 36.153,00 KM (slovima: tridesetšestiljadastotinupedesettri konvertibilne marke).

Član 2.

(Analitička konta)

(1) Sredstva iz člana 1. ove odluke isplatit će se iz Budžeta Zeničko-dobojskog kantona za 2019. godinu („Službene novine Zeničko-dobojskog kantona”, broj: 3/19), sa razdjela 21- Ministarstvo zdravstva, budžetska organizacija 01, potrošačka jedinica 0001, ekonomski kod 615100, pozicija „Kapitalni transferi drugim nivoima vlasti- za zdravstvo”.

(2) Sredstva odobrena ovom odlukom će se transferisati na žiro račun JU Kantonalna bolnica Zenica broj: 1340100000013894, na osnovu Odluke, Ugovora o nabavci i ispostavljenoj fakturi.

Član 3.

(Provođenje Odluke)

Za provođenje ove odluke zadužuju se JU Kantonalna bolnica Zenica, Ministarstvo zdravstva i Ministarstvo finansija, svako u okviru svoje nadležnosti.

Član 4.

(Izvještavanje)

JU Kantonalna bolnica Zenica je dužna izvjestiti Ministarstvo zdravstva o namjenskom utrošku sredstava, dostavljanjem dokaza o uplati sredstava dobavljaču.

Član 5.

(Stupanje na snagu)

Odluka stupa na snagu danom donošenja i bit će objavljena u „Službenim novinama Zeničko-dobojskog kantona“.

Broj: 02-14-17633/19

Datum, 29.11.2019. godine

Z e n i c a

PREMIJER

Mirza Ganić

DOSTAVLJENO:

1x Ministarstvo zdravstva,

1x Ministarstvo finansija,

1x JU Kantonalna bolnica Zenica, putem Ministarstva,

1x „Službene novine Zeničko-dobojskog kantona“,

1x a/a.